



Broj: 06-04-32093-18/24 A.B.
Sarajevo, 15.07.2024. godine

SKUPŠTINA KANTONA SARAJEVO -OVDJE-

Predmet: Izjašnjenje na zastupničku inicijativu zastupnica Admela Hodžić, dostavlja se

Zastupnica Admela Hodžić je na 16. radnoj sjednici Skupštine Kantona Sarajevo održanoj dana 10.06.2024. godine uputila zastupničku inicijativu, koja glasi:

“Na osnovu čl. 106. i 213. stav (1) Poslovnika Skupštine Kantona Sarajevo (“Službene novine Kantona Sarajevo”, br. 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) podnosim inicijativu Vladi Kantona Sarajevo da se u godišnje izvještaje o poslovanju Kantonalnih javnih preduzeća, zavoda i ustanova Kantona Sarajevo uvrsti unificirana tabela koja će sadržavati precizno navedene sljedeće podatke:

Polje 1. Sektor/radnu jedinicu

Polje 2. Naziv radnog mjesta za sve uposlenike

Polje 3. Stručnu spremu/zvanje za radno mjesto iz polja 2.

Polje 4. Koeficijent za radno mjesto iz polja 2.

Polje 5. Uvećanje na platu za određena radna mjesta i poslove iz polja 2.

Polje 6. Procenat invaliditeta (ako ga uposlenik ima) za polje 2.

Polje 7. Ukupan broj radnika po sektoru/radnoj jedinici

Polje 8. Broj radnika prema sistematozaciji po sektoru/radnoj jedinici

Polje 9. Ugovor na neodređeno, određeno vrijeme, ugovor o djelu ili po osnovu rješenja

Polje 10. Broj i procenat uposlenih osoba sa invaliditetom (na dnu tabele)

Polje 11. Iznos koji se uplaćuje u Fond za profesionalnu rehabilitaciju i osposobljavanje osoba sa invaliditetom (na dnu tabele)

Polje 12. Izvještaj Fonda za profesionalnu rehabilitaciju i osposobljavanje osoba sa invaliditetom, na šta su utrošena sredstva koja su uplaćena u izvještajnom periodu.

U Obrazloženju inicijative naveden je tabelarni prikaz uvođenja novih pozicija u godišnje poslovne izvještaje u Kantonu Sarajevo, a između ostalog, i slijedeće: da u posljednjih nekoliko godina dolaze poruke pošiljalaca koji se žale na diskriminaciju, mobing i razne oblike nejednakog postupanja prema uposlenicima kantonalnih javnih preduzeća, zavoda, ustanova, uprava, agencija i ureda Kantona Sarajevo, odnosno prijave da svaka nova uprava postupa različito od one prethodne, ne vodeći računa da li je to u skladu sa važećim zakonima i pravilnicima, navedene su odredbe Zakona o radu koje se odnose na zabranu diskriminacije i Zakona o profesionalnoj rehabilitaciji, osposobljavanju i upošljavanju osoba sa invaliditetom, kao i da je niz benefita od jednog unificiranog izvještaja tako da



sve pojedinosti budu vidljive, precizne i transparentne, te se mole nadležni da što prije razmotre ovu inicijativu i krenu u realizaciju iste.

Na pokrenutu zastupničku Inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo (u daljnjem tekstu: Ministarstvo) vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Sadržaj programa rada i izvještaja o radu i finansijskom poslovanju, odnosno metodologija izrade izvještaja o radu i finansijskom poslovanju kantonalnih javnih ustanova, fondova i agencija čiji je osnivač Kanton Sarajevo uređen je Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 1/23-Prečišćeni tekst).

Shodno navedenom ističemo da ovo Ministarstvo podržava predloženu inicijativu, ali aktivnosti na realizaciji iste nisu u nadležnosti Ministarstva, te je potrebno istu dostaviti predlagaču na razmatranje i nadležno postupanje.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Ⓞ -Stručnoj službi Vlade Kantona Sarajevo,
- A/a.

